

ՄԱՅՐ ԱԹՈՌ

Անցեալ տարուայ դեկտ. վերջին Ազգիս Վեհափառ Հայրապետի յանկարծակի հիւանդութիւնը և հիւանդութեան անսպասելի ծանր կերպարանք ստանալը, բարեբաղդաբար ո՛չ մի հետեանք չունեցաւ Վեհափառ Հիւանդի առողջական վիճակի վերայ: Թէև ապաքինումը քիչ աւելի երկար տևեց, քան ենթադրում էին բժիշկները, սակայն հետեանքը կատարելապէս զոհացուցիչ էր և ուրախառիթիւր ցրուած հօտի ամեն դասակարգի և խաւերի համար, որոնք ամենայն հոգածութեամբ անդադար հեռագրական տեղեկութիւններ էին խնդրում Հայրապետական Դիւանից Ն. Ս. Օծութեան առողջական վիճակի մասին:

Այսպիսի սիրառատ կապը իւր Հօտապետի հետ ո՛չ պակաս բուժիչ միջոց էր Հանրական Հօր համար, որի սիրտը աւելի ևս էր յուզւում իւր հոգևոր որդիների հոգեկան ներքին, անկեղծ վերաբերման հանդէպ և նոր ոյժ տալիս նորա մարմնին օր առաջ ոտքի կանգնելու և կրկին ամբողջովին նուիրելու իւր սիրեցեալ հօտի հոգսերին և հոգեկան կարիքներին:

* * *

Բազմաթիւ են այն սրտայոյզ հեռագրերը, որոնք անդադար տեղում էին Հայրապետարան, Վեհափառ Հիւանդի առողջական վիճակի մասին տեղեկութիւններ խնդրելով, իսկ առաւել ևս բազմաթիւ այն հեռագրերը, որոնք իրար յետևից հասնում էին Ն. Սրբութեան ապաքինումն ու առողջական վիճակի լինելն իմանալուց յետոյ: Ն. Սրբութեան մշտամուռնջ աղօթքները և օրհնութիւններն էին վերապանում դէպի Բարձրեալը իւր հօտի ամէն դասի և կարգի համար:

Հեռագրական տեղեկութիւններ խնդրած էին Տփիսիսի առաջնորդ Տ. Մեորովը եպիսկոպոս, գնդապետ Սուրենեան, Մայրապետ կոյս Թայրեան, Տփիսիսի առևտրականների Աւագը, Հայկ Տ. Միքէլեան, Սինօգի դատախազ պ. Մելիք-Օհանջանեան, որ ըստ պատուերի փոխարքայի դիւանապետի միշտ տեղեկութիւններ էր հաղորդում Օգոստափառ Փոխարքայի Դիւանին՝ հիւանդութեան ընթացքի մասին՝ ղեկուցանելու Ն. Կ. Բարձրութեան, «Մշակի» խմբագրութիւն, Տփիսիսի հոգևորականութիւն, Տփիսիսի մեշխանների աւագ պ. Առաքելեան, Աստրախանի առաջնորդ Տ. Մխիթար եպիսկոպոս, Նոր-Նախիջևանի փոխանորդ և հասարակութիւն, Հ. Նախիջևանի փոխանորդ, Աղէքսանդրապոլի փոխանորդ, Կովկասեան Բարեգործական Ընկերութեան նախագահ պ. Ս. Յարութիւնեան, Պետական դումայի անդամ պ. Մ. Պապաջանեան, Տիգրան Նազարեան, Պետրոգրադի հայ հասարակութեան կողմից, պ. Ա. Ասրիբէգեան, Սիւնեաց փոխանորդ, Տ. Յուսիկ արքեպիսկոպոս Տփիսիսից, Տիգրան Բէկզադեան Բագովից, Ատրպատականի առաջնորդ, Երևանի փոխութեմակալը, որ Վեհի յատուկ բժշկի հետ եկան, և այլն, և այլն։

* *
*

Ն. Սրբութիւնը շնայած իւր ոչ-կատարելապէս ապաքինման, այնուամենայնիւ անկարող եղաւ յունուարի 6-ին, Փրկչի Մկրտութեան Տօնին Տաճար չիջնել։ Ներկայ եղաւ ամբողջ ժամերգութեան և Մկրտութեան կարգին, որ կատարուեցաւ Մ. Տաճարի մէջ։ Պատարագիչն էր գեր. Տ. Սահակ արքեպիսկոպոս Այվատեան։

Պատարագից յետոյ դուրսը ժողովուած բաղմութիւնը լռելեայն, ակնածութեամբ դէպի իւր Հայրապետը, իւր ուրախակցութիւնն էր յայտնում Ն. Սրբութեան ապաքինման համար։

* *
*

Յունուարի 15-ին հեռագրով Տ. Մեսրոպը եպիսկոպոսը յայտնում էր Ն. Ս. Օժութեան, որ նախորդ զիշերը, իւր Ալուպկայի կալուածքում, վախճանուել է Կովկասեան նախկին-փոխարքայ Կոմս Ի. Ի. Վորոնցով-Դաշկովը:

Ն. Վեհափառութեան կողմից հանգուցեալ Կոմսի այրուն, կոմսուհի Ելիսաւետա Անդրէեւնային ուղղուեցաւ հետեւեալ հեռագիրը.

«Ալուպկա, Նորին Պայծառափայլութեան ստատոս-Տիւգին Կոմսուհի Ելիսաւետա Անդրէեւնա Վորոնցով-Դաշկովային.

«Բարեպաշտ Կոմսուհի, Խորապէս վշտացած եմ ականաւոր, մարդասէր, զգօն պետական գործչի և օրինակելի «քրիստոնէի» անմոռաց կոմս Իլլարիօն Իվանովիչի մահուամբ: Խնդրեմ ընդունել Պայծառափայլ իշխանուհի, իմ «անկեղծ և խորին վշտի հաւաստիքը Ձեզ հասած անփոխարինելի կորստի նկատմամբ: Աղօթում եմ առ Ամենաբարձրեալն հանգիստ պարգևելու Ձեր թանգազին ամուսնու մաքուր հոգուն և իւր մխիթարիչ ս. Հոգին առաքել իմխիթարութիւն Ձեզ և Ձեր վշտադնեալ գերդաստանի:

Գ Է Ո Ր Գ. Ե.

Կաթողիկոս Ամենայն Հայոց»

Որին ի պատասխան կոմսուհուց ստացուեցաւ հետեւեալ հեռագիրը:

«Նորին Սրբութեան Կաթողիկոսին Ամենայն Հայոց.

«Խնդրում եմ Ձերդ Վեհափառութիւնից ընդունել իմ «սրտագին շնորհակալութիւնս այն ջերմ վերաբերութեան համար, որ ունեցաք դէպի ամուսնուս յիշատակը և մեր «խորին վշտի նկատմամբ: Ինձ և զաւակներիս յանձնում եմ Ձեր աղօթից:

Կոմսուհի Ելիսաւետա

Վորոնցովա-Դաշկովա»

Հանգուցեալ կոմսի մարմինը տեղափոխուած լինելով Ալուպկայից՝ իւր հայրենի կալուածքում և տոհմական դամբարանում:

բարանում թաղուելու, յունուար 23-ին, նորին Սրբութեան առանձին կարգադրութեամբ հանդիսաւոր հոգեհանգիստ կատարուեցաւ Մ. Տաճարում, ամբողջ միաբանութեան ներկայութեամբ:

* *

«Արարատ»ի խմբագրի մահուամբ թերթիս խմբագրութեան հոգաժողութիւնը ժամանակաւորապէս յանձնուեցաւ Դիւանապետ Տ. Տիրայր վարդապետին:

* *

Մ. Աթուի Հոգեւոր ձեմարանի բացումը այս տարի անակնկալների և աննպաստ պայմանների շնորհիւ, հակառակ ձեմարանի վարչութեան ջանքերին և ջերմ ցանկութեան՝ անհնար դարձաւ:

ձեմարանի վարչութիւնը յոյս ունէր, որ իւր սկզբնական նպատակը — այն է դասաւանդութիւնը վերսկսել գոնէ նոյեմբերի 1-ից — կարող կլինի իրագործել, սակայն անցաւ և դեկտեմբեր ամիսը և ձեմարանի բացումը յապաղեց, քանի որ ամսուուանից նորա շէնքն ամբողջապէս հիւանդանոցի վերածուելով, անկարելի էր լինում շտապեցնել նոր-վեհաբան փոխադրելը այնտեղ դառնալով հիւանդանոցը: Նոր-վեհաբանը հիւանդանոցի վերածելու գործը ընթանում էր շատ դանդաղ, շնորհիւ տեղական հանդամանքների, տեխնիքական միջոցների պակասութեան:

Այդ բոլորի վերայ աւելացաւ նաեւ մի ծանր հանգամանք: Դեկտեմբերից սկսած Էջմիածնում սկսուեցաւ ծանր կերպարանք ստացած, սուր վարակիչ հիւանդութիւնների մի շրջան. մանաւանդ բժաւոր տիֆը իւր սպառնացող ներկայութեամբ ձեմարանի վարչութեանն ստիպում էր շատ զգուշաւոր լինել իւր ոսանքին կատարելապէս վարակուած մի վայր բերելու և նոցա կեանքը պատահարների ու վտանգի ենթարկելու խնդրի նկատմամբ: Այդ ծանր

պատասխանատուութեան խնդիրը՝ ձեմարանի ուսման ընթացքն սկսելու իւր ջերմ ցանկութիւնը Վարչութեան առաջ մի ծանր երկուութեան խնդիր էին դրել, մանաւանդ որ բժիշկների կարծիքը բոլորովին հակառակն էր պնդում:

Ուստի կարևոր համարուեցաւ պաշտօնական բժշկական խորհուրդ նշանակել տեղական հիւանդանոցների բժիշկների՝ անցեալ դեկտեմբեր 19-ին, որ եկաւ հետեւեալ եզրակացութեան.

«Ի նկատի ունենալով այն հանգամանքը, որ բժաւոր տիֆը նոյեմբերի կիսից սկսած սուր կերպարանք և համաճարակի բնաւորութիւն է ստանում,

«Որ վարակուած վայրերում այժմ յոյս չկայ, թէ կարող է դադարել այն,

«Որ ոչ մի հնարաւորութիւն չկայ ձեմարանի սաներին միանգամայն զերծ պահել ազգաբնակութեան հետ ունենալիք որ և է շփումից և հաղորդակցութիւնից,

«Որ ձեմարանն ու նորա յարակից շէնքերը հնարաւոր չէ շուտով պարապմունքների և ապրելու համար անվրտանդ դարձնել:

«Որ անմիջապէս գարնան հետ միասին հնարաւոր են և այլ հիւանդութիւնների (խոլերայի, զիզէնտերիայի և այլն) առաջանալը,

«Խորհուրդը դալիս է այն եզրակացութեան, թէ առաջիկայ կիսամեակում ձեմարանում պարապմունքներ չպէտք է սկսուեն, քանի որ աշակերտների վարակման վտանգն այս դէպքում հաստատ պիտի համարել:

Եւ իրօք բժաւոր տիֆի համաճարակի բնոյթը ոչ միայն չէր մեղմանում, այլ ընդհակառակն աւելի ու աւելի սուր կերպարանք և ծաւալումն էր ստանում. դորա հետ և դեռ ևս ձեմարանի ստորին յարկն ամբողջապէս հիւանդանոցի էր ծառայում և շէնքը վերջնական ախտահանութեան ենթարկելու խնդիրը անլուծելի մնում:

Ուստի և ձեմարանի Վարչութիւնն այդ էական հարցի վերջնական կարգադրութիւնը նորին Սրբութեան հանձնութեան թողնելով, Վեհ. Հայրապետն ի նկատի ունենա-

լով բժշկական խորհրդի եզրակացութիւնը և ձեմարանի սաներին անակնկալների շնորհիւ սպառնացող կենսական վտանգը, պատուիրեց ձեմարանի Վարչութեան չքանալ ձեմարանն երկրորդ կիսամեակում և այդ մասին կարեւոր կարգադրութիւններ անել՝ աշակերտութեանն իմաց տալով այդ որոշումը:

* * *

Մայր Աթոռի հովանաւորութեան տակ գտնուող Հիւանդանոցների վիճակն ամէն հնար եղածին չափով բարւոյք և խնամոտ դրութեան է հասցրած: Բժիշկների, քոյրերի և օգնականների բոլոր ջանքն էր ըստ կարելոյն աշխատել երեւոյցած, համաճարակի բնոյթ ստացած, սուր հիւանդութիւնները վարակող լինելու հանգամանքից հանել: Այդ նպատակով ամենայն օր բժիշկների մի առանձին խումբ մտնում էր նոյն իսկ մասնաւոր տներ և վարակուածներին և կամ նոյն իսկ կասկածելիներին հանում, զետեղում հիւանդանոցներում և խնամոտ հոգածութիւն ունենում՝ մահացութեան առաջը կտրելու համար:

Բժշկական այդ անդուլ ջանքերն իրենց հետեւանքներն ունեցան և վարակիչ հիւանդութիւնները հետզհետէ կորցրին իրենց սուր և վտանգաւոր բնոյթը, հիւանդութեան վայրերը կղզիացան և հիւանդացողների քանակն զգալի չափով պակասեց: Պակասեց դորա հետ և մահացութեան տօկօքը:

Հիւանդանոցների թուական վիճակը յունուար ամսուայ ընթացքում հետեւեալն էր.

ա) Հիւանդանոցների թիւը	4
բ) Պարտաւորիչ մահիճների թիւը	400
գ) Հիւանդներ առ 1-ն յունուարի 1916 թ.	258
դ) Նոր մտած հիւանդներ	407
ե) Հիւանդանոցից ելած առողջներ	329

դ) Մահացութեան դէպքեր . . .	41
է) Հիւանդների ընդունելութիւն . . .	2259

Բժաւոր տիֆով վարակուածներ յունուար ամսի ընթացքում եղած են, —

ա) Նոր հիւանդներ	139
բ) Առողջացածներ	128
գ) Մահացութեան դէպքեր	8

Փետրուար ամսի ընթացքում

ա) Հիւանդներ առ 1-ն փետրուարի . . .	315
բ) Նոր հիւանդներ	434
գ) Առողջացածներ	339
դ) Մահացութեան դէպքեր	39
ե) Փոխադրուած այլ հիւանդանոցներ . . .	46

Բժաւոր տիֆով վարակուածներ փետրուար ամսի ընթացքում եղած են, —

ա) Հիւանդներ առ 1-ն փետրուարի . . .	81
բ) Նոր հիւանդներ	104
գ) Առողջացածներ	104
դ) Մահացութեան դէպքեր	16
ե) Փոխադրուած միւս հիւանդանոցները . . .	7

Սուր-վարակիչ հիւանդութիւններ փետրուար ամսի ընթացքում եղած են, —

ա) Հիւանդներ առ 1-ն փետրուարի . . .	18
բ) Նոր հիւանդներ	19
գ) Առողջացածներ	14
դ) Մահացութեան դէպքեր	4
ե) Փոխադրուած միւս հիւանդանոցները . . .	4

Որբերի խնամակալութիւնը Յունուար ամսից սկսած նոր շրջանի մէջ մտաւ: Տալով այնպիսի անակնունելի մի մեծ զոհ, ինչպէս Որբանոցի ղեկավարի, Տ. Բաբգէն վարդապետի մահն էր, որ տեղի ունեցաւ տար. Յունուար 3-ին, աչքի առաջ ունենալով այնպիսի մի կենդանի վրտանդի օրինակ, ինչպիսին էր մահուան ճիրաններից հազիւ ազատուած Որբանոցի կառավարչուհի օր. Թումաւլախեանը և որբերից շատ շատերի հիւանդանալը և բարեբաղդաբար ոչ մի զոհ չտալը—Որբանոցի նոր վարչութիւնը ամեն ջանք գործ դրեց Որբանոցից դուրս վնդեւու համաճարակի բնոյթ ստացած բժաւոր տիֆը:

Հին Որբանոցը, ինչպէս գիւղում եղածը, փոխադրուեցան ձեմարանի ննջարանները, փոքրերին բաժանելով ըստ սեռերի և իւրաքանչիւրին յատկացնելով մի-մի մեծ ընդարձակ, լոյս և օդառատ ննջարան. կազմուեցաւ առանձին սեղանատուն նոր-Մանկավարժական Թանգարանում: Ի նկատի ունենալով սնունդի խնդիրը՝ կազմուեցաւ առանձին խոհանոց իւր բոլոր պարագաններով, Բաղաքների Միութեան օժանդակութեամբ, որտեղից ստացուում է և՛ շատ աւելի սննդատու և շատ աւելի մեծ քանակութեամբ սնունդ, քան նախկին «Բաժիններ զնելու» կարգով, որ և մեծ ծախքեր էր կորզում եղբ. Օգնութիւնից:

Որբանոցի վարչութիւնը չափազանց կարեւորութիւն տուեց բժշկական-առողջապահիկ վիճակին և մաքրութեան խիստ հսկողութեան, որով և իսպառ վերացան բժաւոր տիֆի դէպքերը Որբանոցից:

Նոր վարչութիւնը յունուարից սկսած հոգաց և որբերի մտաւորի մասին, բանալով ձեմարանի վարժոցը նոցա համար, ուր դասախօսում են ձեմարանի ուսուցիչները, Որբանոցի կառավարչուհին, օրն երկու անգամ՝ փոխ ընդ փոխ դասաւանդութեամբ, առաւօտները մի մասի և ճաշից յետոյ միւս մասի համար:

Ամերիկայի Նիւ-Ջէրսիի «Հայ որբախնամ Ընկերութիւնը» որ իւր առանձին որբանոցների ցանցն էր պահում Տաճկահայաստանի զանազան վայրերում, — Տիգրանակերտ, Ակն, Վան, Խարբերդ, Ուրֆա, Զէյթուն, Մարաշ, Ամասիա, Մուշ, Ադանա և այլն, — զիմելով Վեհ. Հայրապետին և ուղարկելով 4545 ուրբ. դրամ, խնդրել էր Մ. Աթուռի խնամքը վայելող որբերից ջոկել 30 սրբ. երկու սեռից հաւասարապէս և պահպանել իրենց անուէնով:

Վեհ. Հայրապետի կարգադրութեամբ այժմ այդ 30 որբերը տեղաւորուած են զիւղում առանձին բնակարանում և առանձին հսկող-վարժուհու ղեկավարութեամբ պատսպարւում են և կրթւում:

Յանկալի էր, որ հեռաւոր Ամերիկահայերի բարի օրինակին հետևէին և միւսները և համայնքների միջոցներով, իրենց անուէնով պահպանէին մի-մի Որբանոց, կորստից ազատելու այն բազմաթիւ անոք մանուկներին, որոնք ամենայն օր զուռ են բաղխում:

* *
*

Փետրուար 3-ին Վրաստանի Առաջնորդ Տ. Մեսրոպ եպիսկոպոսի, յանուն Նորին Սրբութեան տուած հեռագիրը, «Ամենամեծ խնդակցութեամբ յայտնում եմ, որ կարինն առնուած է», ուրախութեամբ լցրեց Վեհ. Հայրապետի սիրտը, որ վերջապէս Տաճկական Հայաստանի կուռամբութեան՝ կարինի նուաճմամբ բացւում է իւր տարբազգ սրբիկների ազատագրութեան նոր շրջանը:

Այդ պատճառով և կարգադրուեցաւ, որ հետևեալ օրը գոհացողական մաղթանք կատարուի Մ. Տաճարում, և հեռագրուեցաւ բոլոր առաջնորդներին նայնպիսի մաղթանքներ կատարել տալ իրենց թեմերի բոլոր եկեղեցիներում Ռուս քաջարի զօրքի և զէնքի յաջողութեան և յաղթական յառաջընթացման համար:

Մաղթանքին, Մ. Տաճարում, ներկայ էր Ն. Սրբու-

Թիւնը, շրջապատուած ամբողջ միաբանական ուխտով:
Հանդիսադիրն էր Տ. Բագրատ եպիսկոպոսը:

Մաղթանքից յետոյ ժողովուրդը կեցցէների և ուրախական դուշերի տարափի տակ առաջնորդեց ծերունազարդ Հայրապետին իւր բնակարանը, որը տեղի տալով ժողովրդի ոգևորուած, ուրախութեան արտայայտութիւններին, պարտիզում, պատշգամբից իւր խնդակցութիւնը յայտնելով օրհնեց ռուսաց բանակի Օգոստափառ ընդհանուր Ղեկավարին, կարողութիւն մաղթելով Կովկասեան զօրքերի Օգոստափառ զօրաց-հրամանատարին, անվեհեր զօրապետներին և քաջարի զօրքերին, յոյս ներշնչելով իւր հօտին, որ ռուսական զէնքի յաջողութեան իւրաքանչիւր մի նոր քայլ, նոցա ազատագրութեան շրջանի մի նոր քայլ է:

* *

Վեհ. Հայրապետը կամենալով հաստատուն տեղեկութիւն ունենալ անմիջական աղբիւրներից իւր, Կարնում և շրջակայքում գտնուած, հօտի դրութեան և բանակի մասին հեռագրեց Կարինի բերդապահին հաղորդել, թէ ինչ դրութեան մէջ է իւր հօտը քաղաքում, շրջակայքում, ռազմական է մօտաւորապէս կենդանի մնացածների քանակը, ով է հոգևորական ներկայացուցիչն այժմ և ուր է առաջնորդը:

* *

Կարնոյ առման առթիւ բազմաթիւ հեռագրեր են ստացուած, յանուն Վեհ. Հայրապետի, որոնց մէջ իրենց խնդակցութիւնն ու շնորհաւորութիւններն է արտայայտում զանազան վայրերի հայութիւնը, սկսած Ամերիկայից, Մանչեստրից, Միլանից, Խարբինից ու Վլադիվոստոկից, մինչև ամենամօտ վայրերի անհատներ ու համայնքներ, իրենց հոգևոր ներկայացուցիչների և առաջնորդների հետ:

* *

Վեհ. Հայրապետն, իբրեւ պատուակալ Հոգաբարձու Սանասարեան վարժարանի ղեկելով Կովկասեան Տ. Փոխարքային իրաւունք խնդրեց Կարին ուղարկելու Սանասարեան վարժարանի տեսուչ Գ. Արուլեանին և նոյն վարժարանի ուսուցիչ Ս. Խաչատրեանին, հոգածութիւն ունենալու նորա ստացուածքի մասին: Այդ միջնորդութիւնն յարգուելով պ. պ. Արուլեան և Խաչատրեան մեկնեցին Կարին փետրուար 17-ին:

* * *

Փետրուար 21-ին Աղզիս Վեհ. Հայրապետը բարեհաճեց՝ Թիշկների խորհրդի համաձայն, Երեւան մեկնել իբր զբօսանք, ուր երկու օր մնալով վերադարձաւ Մ. Աթոռ: Նորին Վեհափառութեան ուղեկցում էր Հայրապետական Դիւանապետ Տ. Տիրայր վարդապետ:

* * *

Փետրուար 24-ին Էջմիածին եկաւ դադթականութեան զործերի պետական լիազօր գեներալ Թամաշեանը, իւր օղնական Լ. Գ. Եւանգուլեանի հետ: Ն. Ս. Օծութիւնը բարեհաճեց առանձին ունկնդրութիւն շնորհել Ն. Գերազանցութեան և իւր ուղեկցին:

Ապա դիտեցին տեղական բոլոր հիւանդանոցները, Ուրբանոցը, որից շատ զոհ մնաց այնտեղ տիրող օրինակելի մաքրութեան և կարգաւորութեան համար:

* * *

Գիտութեանց ձեմարանի միջնորդութեամբ և յանձնարարութեամբ և Կովկասեան Տ. Փոխարքայի թոյլտուութեամբ Վան և նորա շրջակայքը զիտական նպատակով զննած Կովկասեան (Տփլիսի) Թանգարանի աւագ-հսկիչ Սրմբատ Վ. Տէր Աւետիսեանը վերադառնալով իւր ճանապարհորդութիւնից, բերեց և աղզիս Վեհ. Հայրապետի առան-

ձին յանձնարարութեամբ Վանի և շրջակայ վանքերից ու եկեղեցիներից ժողոված ձեռագրերը, թուով 1082 հատ, մեծ ու փոքր, որոնք յանձնուեցան ի պահ Մ. Աթոռի մատենադարանի:

Այդ գործի մէջ աջակից են եղած նորան նաև Լիմ անապատի վանահայր Տ. Յովհաննէս վարդապետ Հիւսեան: Իսկ գործի ամբողջ ծանրութիւնը ընկած էր պ. Տէր Աւետիսեանի վրայ, թէ ժողովելու և դասաւորելու, թէ փոխադրելու և թէ սահմանն անցնելու ժամանակ, որի համար առանձին միջնորդութիւն էր արել Կովկասեան Տ. Փոխարքային և որ իւր բարեհաճ արտօնութիւն էր շնորհել:

Բերուած են ձեռագրեր


1) Աղթամարից	84 հատ
2) Վանից, Այդեատանից	172 »
3) Կտուց անապատից	187 »
4) Լիմ	281 »
5) Վարազայ վանքից	357 »
Ընդամենը	1082 »

Նախորդ շրջանում ոտացած Ձեռագրերի քանակն է

1) Աղթամարից	201 հատ
2) Վանից և շրջակայքից	61 »
3) Լիմ անապատից	22 »
Ընդամենը	284 »

Այսպիսով Վանի շրջանից մինչև այժմ ազատուած է շնորհիւ Հայրապետարանի ձեռք առած միջոցների և հոգածութեան մի հազար երեք հարիւր քսան և վեց (1326) ձեռագիր, որոնց ցուցակն ըստ հնարաւորութեան կը տպագրուի «Արարատի» էջերում:

Մեծի պահոց կիւրակէներին գիւղի եկեղեցում ժողովրդին հոգևոր մխիթարութիւն տալու համար, քարոզիչներ նշանակուեցան Ն. Ս. Օծութեան կողմից Տ. Աշոտ եպիսկոպոս, Տ. Գարեգին վարդապետ, Տ. Ներսէս վարդապետ, և Տ. Ղևոնդ վարդապետ Մարդուկիսեան:



Տ. ԲԱՐԳԵՆ ՎԱՐԴԱՊԵՏ

Ներկայ թուականի յունուարի 3-ին բժաւոր տիֆից մեռաւ մեր միաբանութեան աչքի ընկնող անդամներից մէկը՝ Սինօդի անդամ՝ Տ. Բարգէն վարդապետը:

Նա ծնուել է 1869 թ. հոկտեմբեր 10-ին Շուշի քաղաքում: Մանկութեան ուսումնի ստացել է մայրենի քաղաքում և ապա աւարտել Մ. Աթոռի հոգևոր ձեմարանը 1895 թուին: Դեռ ևս վերջին լսարանում 1894 թ. դեկտեմբերի 17-ին նա ընդունուել էր էջմիածնի միաբանութեան շարքը: Ուսումը ձեմարանում՝ աւարտելուց յետոյ՝ 1895 թ. ձեմարանի տնտես է նշանակուել, իսկ սեպտեմբերին՝ Վաղարշապատի ծխական օրիորդաց դպրոցում կրօնուսոյց, 1896 թ. նշանակուել է Տպարանական ժողովի անդամ-գանձապահ, հրաժարուելով ձեմարանի տնտեսութեան պաշտօնից: 1897 թ. նոյեմբերի 30-ին Տ. Սուքիաս եպիսկոպոսի ձեռքով արեղայ է ձեռնադրուել, իսկ յունիսի 18-ին վարդապետական աստիճան է ստանում: Նոյն թուի նոյեմբերի 8-ին ուղարկուել է Խարկով կատարագործուելու իրաւաբանական գիտութիւնների մէջ, երեք տարի իբրև ազատ ունկնդիր յաճախելով համալսարան: Հանգուցեալ Տ. Մկրտիչ կաթողիկոսի կոնդակով 1902-ին նշանակուել է Ախալցխայի փոխանօրդ, որտեղից ապա փո-